



Nezavidni odbor  
Broj:01-05-3040-29/16  
Sarajevo, 26.04.2016. godine

**SKUPŠTINA KANTONA SARAJEVO**  
n/r predsjedavajuće

Predmet: Izvještaj o radu Nezavisnog odbora za izbor i reviziju policijskog komesara za 2015.godinu, dostavlja se

U prilogu akta vam dostavljamo na razmatranje i usvajanje Izvještaj o radu Nezavisnog odbora za izbor i reviziju policijskog komesara za 2015.godinu.

**PREDSJEDNIK  
NEZAVISNOG ODBORA**

Domin Malbašić, s.r.



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044, Fax: + 387 (0) 33 562-210  
Sarajevo, Reisa Džemaludina Čauševića 1



Bosna i Hercegovina  
Federacija Bosne i Hercegovine  
KANTON SARAJEVO  
SKUPŠTINA KANTONA SARAJEVO  
Nezavisni odbor za izbor i reviziju policijskog komesara

IZVJEŠTAJ  
o radu Nezavisnog odbora za izbor i reviziju policijskog komesara  
za 2015.godinu

---

Sarajevo, april 2016. godine

Na osnovu odredaba VII-IX Odluke o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa („Službene novine Kantona Sarajevo“ broj: 29/12), a u vezi sa članom 8.tačka (6). Poslovnika o radu Nezavisnog odbora za izbor i reviziju Policijskog komesara ("Službene novine Kantona Sarajevo", broj 09/14), Nezavisni odbor za izbor i reviziju Policijskog komesara, podnosi

I Z V J E Š T A J  
o radu  
Nezavisnog odbora za izbor i reviziju Policijskog komesara  
za 2015.godinu

I Uvod

Nezavisni odbor za izbor i reviziju Policijskog komesara imenovan je Odlukom o imenovanju Nezavisnog odbora za izbor i reviziju policijskog komesara Skupštine Kantona Sarajevo broj: 01-05-570/14 od 09.01.2014.godine,koja je stupila na snagu dana 17.01.2014.godine. U Nezavisni odbor za izbor i reviziju policijskog komesara imenovano je pet predstavnika iz reda građana i dva predstavnika iz reda Ministarstva unutrašnjih poslova .

Mandat članovima Nezavisnog odbor za izbor i reviziju policijskog komesara Skupštine Kantona (u daljnjem tekstu : Nezavisni odbor) traje 4 (četiri) godine.

Nezavisni odbor u 2015.godini obavljao je poslove u skladu sa Zakonom o unutrašnjim poslovima Kantona Sarajevo ("Službene novine Kantona Sarajevo", broj: 22/00 - Prečišćeni tekst, 15/02, 18/02 i 28/02) i Poslovníkom o radu Nezavisnog odbora za izbor i reviziju policijskog komesara ("Službene novine Kantona Sarajevo", broj: 9/14) . U nadležnosti Nezavisnog odbora je da: donosi odluku o raspisivanju konkursa za izbor komesara, upravlja procesom izbora, imenovanja i smjene policijskog komesara,raspisuje javni konkurs, razmatra pristigle prijave, vrši selekciju i odabir odgovarajućih kandidata, predlaže ministru kandidata za policijskog komesara. Nezavisni odbor razmatra sve žalbe koje se odnose na rad policijskog komesara, uključujući i žalbe građana,razmatra prijedloge Skupštine Kantona Sarajevo, Vlade Kantona Sarajevo,odnosno ministra unutrašnjih poslova Kantona Sarajevo o smjeni policijskog komesara,predlaže smjenu policijskog komesara u slučaju da su ispunjeni kriteriji propisani Zakonom o unutrašnjim poslovima Kantona Sarajevo i Zakonom o policijskim službenicima Kantona Sarajevo. Nezavisni odbor podnosi izvještaj o radu Nezavisnog odbora Skupštini Kantona Sarajevo, najmanje jedanput godišnje,ocjenjuje cjelokupan rad policijskog komesara u slučaju ponovnog imenovanja za drugi mandat, vrši obradu podataka i vođenje evidencija u skladu sa Zakonom o unutrašnjim poslovima Kantona Sarajevo, Zakonom o policijskim službenicima Kantona Sarajevo i drugim propisima.Nezavisni odbor vrši ostale poslove propisane Zakonom o unutrašnjim poslovima Kantona Sarajevo, Zakonom o policijskim službenicima Kantona Sarajevo i drugim propisima.

II –Normativni dio

Tokom izvještajnog perioda Nezavisni odbor je:

- donio Program rada Nezavisnog odbora za 2015.godinu;
- donio Izvještaj o radu Nezavisnog odbora za 2014.godinu,koji je usvojen od strane Skupštine Kantona

Sarajevo,

- donio ocjenu o radu Policijskog komesara za 2014.godinu,
- u vršenju zadataka iz svoje nadležnosti donosio zaključke;
- sačinjavao Informacije, obavijesti za javnost, kao i druge akte iz svoje nadležnosti;

### III-Tematski dio

U periodu januar 2015.godine - 31.12. 2015.godine Nezavisni odbor je održao 12 redovnih i jednu hitnu sjednicu.

Petnaesta sjednica Nezavisnog odbora održana je dana 14.01.2015.godine.Na sjednici je donešena ocjena o radu policijskog komesara za 2014.godinu.

Rad policijskog komesara za 2014.godinu,ocijenjen je od strane Nezavisnog odbora ocjenom odličan.

Pripremljen je zaključak da se zatraži od policijskog komesara da dostavi članovima Nezavisnog odbora informaciju o preduzetim aktivnostima Uprave policije u slučaju „portala Klix“, kao i učestalim paljevinama putničkih motornih vozila na području Kantona Sarajevo.

Zaključeno je da se pristupi izradi Izvještaja o radu Nezavisnog odbora za 2014.godinu u skladu sa Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa .

Šesnaesta sjednica Nezavisnog odbora održana je 26.02.2015.godine.Na sjednici su usvojeni:

- Izvještaj o radu Uprave policije MUP-a KS za mjesec decembar 2014. godine;
- Izvještaj o radu Uprave policije MUP-a KS za mjesec januar 2015. godine;
- Izvještaj o radu Uprave policije MUP-a KS za 2014. godinu;
- Informacija u vezi zaključka Nezavisnog odbora broj:01-05-320-15/15 od 14.1.2015. godine.

Na sjednici su usvojeni Program rada Nezavisnog odbora za 2015.godinu i Izvještaj o radu Nezavisnog odbora za 2014.godinu.

Na šesnaestoj sjednici u skladu sa članom 9. Poslovnika o radu Nezavisnog odbora izvršena je rotacija u vršenju funkcije predsjednika i podpredsjednika Nezavisnog odbora.

Sedamnaesta sjednica Nezavisnog odbora održana je 24.03.2015.godine. Nezavisni odbor upoznao je policijskog komesara sa zaključkom Nezavisnog odbora u vezi pripreme i izlaganja izvještaja Uprave policije MUP-a Kantona Sarajevo.

Nezavisni odbor jednoglasno je usvojio Izvještaj o radu Uprave policije MUP-a KS za mjesec februar 2015. godine.

Osamnaesta sjednica Nezavisnog odbora održana je 23.04.2015.godine.

Članovi Nezavisnog odbora su jednoglasno usvojili Izvještaje o radu Uprave policije MUP-a KS za mjesec mart 2015. godine i za period januar-mart 2015.godine

Usvojen je zaključak da se zatraži od policijskog komesara da dostavi članovima Nezavisnog odbora informaciju o preduzetim mjerama i aktivnostima oko dolaska Pape Franje u Sarajevo, informaciju o postignutom dogovoru oko obezbjeđivanja utakmica Premijer lige od strane MUP-a Kantona Sarajevo kao i informaciju u kojoj je fazi realizacije novi Zakon o MUP-u Kantona Sarajevo.

Devetnaesta sjednica Nezavisnog odbora održana je 21.05.2015.godine. Na ovoj sjednici policijski komesar je istakao da je u proteklom periodu odigran gradski derbi gdje je policija Kantona Sarajevo imala zapaženu ulogu u cilju obezbjeđivanja samoga događaja. U ovom periodu policija je obezbjeđivala okupljanje povodom godišnjice Dobrovoljačke ulice, na kojem nije bilo incidenata.

Policijski komesar je upoznao prisutne članove Nezavisnog odbora o toku priprema i aktivnostima oko dolaska Pape Franje u Sarajevo.

Nezavisni odbor je usvojio :

-Izvještaj o radu Uprave policije MUP-a KS za mjesec april 2015. godine,

- Informaciju policijskog komesara koja se odnosi na pripreme oko dolaska Pape Franje u Sarajevo.

Dvadeseta sjednica Nezavisnog odbora održana je 30.06.2015.godine.Policijski komesar je informisao Nezavisni odbor o završenim aktivnostima koje su se odnosile na organizaciju i doček Pape Franje u Sarajevo. Policijski komesar je istakao da je najveću ulogu u navedenoj organizaciji preuzeo MUP Kantona Sarajevo. Kompletna organizacija je prošla bez problema.

Nezavisni odbor je usvojio Izvještaj o radu Uprave policije MUP-a KS za mjesec maj 2015. godine.

Dvadesetprva sjednica Nezavisnog odbora održana je 22.07.2015.godine.Na ovoj sjednici Nezavisni odbor je razmatrao i usvojio:

-Izvještaj o radu Uprave policije MUP-a KS za mjesec juni 2015. godine

- Izvještaj o radu Uprave policije MUP-a KS za za period januar-juni 2015.godine.

Na sjednici je izvršena rotacija u vršenju funkcije predsjednika i podpredsjednika Nezavisnog odbora za izbor i reviziju policijskog komesara.

Dvadesetdruga sjednica Nezavisnog odbora održana je 31.08.2015.godine.

Na navedenoj sjednici Nezavisni odbor je razmatrao i usvojio:

-Izvještaj o radu Uprave policije MUP-a KS za mjesec juli 2015. godine

Nezavisni odbor donio je zaključak da se od policijskog komesara zatraži informacija o rezultatima istrage o paljevinama motornih vozila u proteklom periodu.

Dvadesettreća sjednica Nezavisnog odbora održana je 22.09.2015.godine.

Na sjednici je Nezavisni odbor razmatrao i usvojio:

-Izvještaj o radu Uprave policije MUP-a KS za mjesec august 2015. godine .

Članovi Nezavisnog odbora su se osvrnuli na povećani trend krađa zadnjih sjedišta iz motornih vozila( marke Peugeot), te je konstatovano da policija u okviru svojih nadležnosti vrši radnje na otkrivanju počinitelja.Na sjednici je razgovarano o Informaciji MUP-a Kantona Sarajevo u vezi namjernih paljevina motornih vozila u proteklom periodu. U prvih 6 mjeseci rasvijetljeno je 10 krivičnih djela. Najveći dio ovih paljevina se odnosio na neraščišćene račune iz kriminalnog miljea.

Dvadesetčetvrta sjednica Nezavisnog odbora održana je 26.10.2015.godine.

Policijski komesar ,podnoseći Izvještaj o radu Uprave policije MUP-a KS za period januar-septembar 2015.godine istakao je da je jedan od glavnih zadataka borba protiv maloljetničkog prijestupništva . Policijski komesar je istakao da je problem privrednog kriminala i dalje aktuelan, bez obzira što je organizaciona jedinica u potpunosti popunjena ali su rezultati koje postiže zanemarljivi,radi čega će se pristupiti reorganizaciji iste. Informisao je Nezavisni odbor da je u toku realizacija projekta postavljanja stacioniranih radara u Kantonu Sarajevo tako da će ova investicija vrlo brzo polučiti očekivane rezultate.Istakao je da se u Kantonu Sarajevo i dalje bilježi povećan broj motornih vozila,ali infrastruktura ne prati ovaj povećani broj vozila pa se često dešavaju gužve.

Policijski komesar je obavjestio Nezavisni odbor da su Prijedloge Zakona o unutrašnjim poslovima Kantona Sarajevo i Zakona o policijskim službenicima Kantona Sarajevo uputili Vladi Kantona Sarajevo na daljnju proceduru.

Nezavisni odbor,jednoglasno je usvojio:

- Izvještaj o radu Uprave policije MUP-a KS za mjesec septembar 2015. godine

- Izvještaj o radu Uprave policije MUP-a KS za period januar-septembar 2015. godine.

06.11.2015.godine održana je hitna sjednica Nezavisnog odbora .Na sjednici je donešen zaključak da se od policijskog komesara zatraži da hitno dostavi informaciju o djelovanju i postupanju policijskog komesara i Uprave policije o aktuelnoj bezbjedonosnoj situaciji na području Kantona Sarajevo sa posebnim akcentom na dešavanja u vezi krivičnih djela razbojništva koja su se dogodila dana 05.11.2015.godine na području Općine Novo Sarajevo i Općine Ilidža.

Dvadesetpeti sjednica Nezavisnog odbora održana je 27.11.2015.godine. Nezavisni odbor je razmatrao i jednoglasno usvojio Izvještaj o radu Uprave policije MUP-a KS za oktobar 2015. godine.



Informaciju o djelovanju i postupanju Policijskog komesara i Uprave policije u aktuelnoj sigurnosnoj situaciji na području Kantona Sarajevo članovima Nezavisnog odbora policijski komesar je iznio detaljno opisujući događaje koji su se desili 05.11.2015.godine i 18.11.2015.godine, te preduzete radnje Uprave policije. Za krivična djela razbojništva koja su se dogodila 05.11.2015 .godine na području Općine Novo Sarajevo i Općine Ilidža policijski komesar je istakao da je policija vrlo brzo identifikovala počinioca krivičnih djela i većinu predala nadležnom tužilaštvu.

O krivičnom djelu okvalifikovanom kao teško ubistvo koje se dogodilo 18.11.2015. godine, policija MUP-a Kantona Sarajevo je od trenutka dobivanja obavijesti o počinjenom krivičnom djelu, do lociranja izvršioca krivičnog djela, preduzela niz operativnih radnji koje su doprinijele veoma brzoj indentifikaciji i lociranju izvršioca krivičnog djela. Uviđajem je rukovala kantonalna tužiteljica. Stav svih članova Nezavisnog odbora je da je Uprava policije

na čelu s policijskim komesarom, vrlo profesionalno obavila posao na lociranju i hapšenju počinitelja krivičnog djela za što su im upućene pohvale.

Nezavisni odbor je primio k znanju Informaciju o djelovanju i postupanju policijskog komesara i Uprave policije u aktuelnoj sigurnosnoj situaciji na području Kantona Sarajevo.

Dvadesetšesta sjednica Nezavisnog odbora održana je 28.12.2015.godine.

Na dvadesetšestoj sjednici Nezavisni odbor je usvojio Izvještaj o radu Uprave policije MUP-a KS za novembar 2015. godine.

U izvještajnom periodu Nezavisni odbor je redovito razmatrao Informaciju o aktivnostima MUP-a Kantona Sarajevo i to kroz neposrednu prezentaciju i interpretaciju statističkih pokazatelja koji se odnose na stanje javnog reda i mira, kriminalitet, sigurnost saobraćaja itd. Nezavisni odbor je stava da ove Informacije trebaju i dalje biti jedan od važnih pokazatelja rada policijskog komesara ali da je isto tako neophodno datoj tematici prići sa aspekta najistaknutijih sigurnosnih problema, prioriteta u radu, individualnih aktivnosti policijskog komesara i sl.

Analizom provedenih aktivnosti MUP-a Kantona Sarajevo u 2015. godine utvrđeno je da je u proteklom periodu Uprava policije MUP-a Kantona Sarajevo u svom radu postigla zavidne rezultate, velika pažnja je posvećena kvalitetnom opremanju policijskih službenika sa potrebnim materijalno-tehničkim sredstvima (uniforma, naoružanje i sl.). Poduzete su intenzivne aktivnosti od strane policijskog komesara koje se odnose na kadrovsku popunjenost u Upravi policije MUP-a KS. U decembru 2015.godine 129 policijskih službenika zasnovalo je radni odnos u činu policajac, što bi se direktno trebalo odraziti na poboljšanje sigurnosne situacije u Kantonu Sarajevo.

Nezavisni odbor je pored održanih sjednica imao niz neformalnih sastanaka na kojima se dogovaralo o budućim aktivnostima Nezavisnog odbora, uslovima rada i drugim pitanjima.

Posebno naglašavamo da tokom 2015.godine nije bilo pritužbi na rad policijskog komesara.

Tokom izvještajnog perioda, policijski komesar je redovno prisustvovao sjednicama Nezavisnog odbora, na kojima je podnosio mjesečne, tromjesečne, polugodišnje i godišnje Informacije o kriminalitetu, javnom redu i miru i saobraćaju na području Kantona Sarajevo. Informacije su jednoglasno usvojene od strane prisutnih članova Nezavisnog odbora. Tokom izlaganja navedenih podataka Nezavisni odbor je informisan o tekućoj problematici u izvještajnom periodu i prijedlozima za rješavanje istih. Statistički podaci prikazani u informacijama oslikavaju poboljšanje stanja iz pojedinih oblasti kriminaliteta u odnosu na prethodnu godinu.

#### IV - Ocjena stanja i postignutih rezultata

Tokom izvještajnog perioda Nezavisni odbor je u cjelosti realizirao programske aktivnosti planirane u 2015.godini i izvršio sve obaveze utvrđene Zakonom o unutrašnjim poslovima Kantona Sarajevo i Poslovníkom o radu Nezavisnog odbora za izbor i reviziju policijskog komesara.

Nezavisni odbor je djelovao isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrirane organizacije ili udruženja ili bilo kojeg naroda ili pojedinca.

Nezavisni odbor je o svom radu redovno obavještavao javnost, putem web-portala i sredstava javnog informisanja, te je u cjelosti ispoštovan princip javnosti.

#### V - Kadrovska i materijalna osposobljenost

Nezavisni odbor u izvještajnom periodu bio je kadrovski potpuno osposobljen i kompetentan za izvršavanje svih poslova i zadataka. Administrativno-tehničke poslove Nezavisnog odbora obavljao je Sekretar, koji je uposlenik Stručne službe za skupštinske poslove, a isti je zadužen za čuvanje kompletne arhive Nezavisnog odbora.

Sjednice Nezavisnog odbora održavane su redovno, u za to obezbjeđenoj sali Skupštine Kantona Sarajevo.

#### VI - Programska orijentacija za naredni period

U narednom vremenskom periodu Nezavisni odbor će kontinuirano obavljati poslove utvrđene Zakonom o unutrašnjim poslovima Kantona Sarajevo ("Službene novine Kantona Sarajevo", broj: 01/16) i Poslovníkom o radu Nezavisnog odbora, te ostalim pozitivnim propisima sa osnovnim ciljem postizanja još većeg stepena demokratizacije u radu policije, zaštite ljudskih prava i sloboda građana koji žive ili borave na području Kantona Sarajevo, postizanja što većeg nivoa sigurnosti građana Kantona Sarajevo. Nezavisni odbor kontinuirano će pratiti aktivnosti policijskog komesara, koje je isti izložio u Planu aktivnosti Policijskog komesara u cilju unapređenja rada Uprave policije u periodu 2014.-2018.godine.

Nezavisni odbor predlaže Skupštini Kantona Sarajevo da usvoji Izvještaj o radu Nezavisnog odbora za izbor i reviziju policijskog komesara za 2015.godinu.

Predsjednik  
Nezavisnog odbora za izbor i  
reviziju policijskog komesara

Domin Malbašić  
